

山谷年譜

二十三之七

廿一本

庫文閣		漢書
三四七	號	類
二二	冊	
三四	函	

庫文閣內		漢書
三四七	號	類
二二	冊	
三五	函	
一九	架	

內閣文庫	
番號	漢 3471
冊數	22 (13)
函號	315 96

山谷全集





山谷先生年譜卷之二十三
元祐三年戊辰

先生是歲在祕書省兼史局
正月東坡知貢舉先生為叅詳

按題大學試院云元祐三年正月乙丑鎖太學
試禮部進士四千七百三十二人三月戊申奏
號進士五百人宗室二人子瞻莘老知舉熙叔
元與彥衡魯直子明叅詳君貺希古履中器之
成李明略無咎堯民元忠遐叔子發君時大啓
志完點檢試卷是日侍御史曰晏不來為子發
書

五月詔新除著作郎黃庭堅依舊著作佐郎以御



史趙挺之論故有是命

按挺之有憾於先生德平鎮日不肯奉承行市

易事已見元豐八年注

考試局與孫元忠博士竹間對窗夜聞元忠誦書

聲調悲壯戲作竹枝歌三章和之

元忠名朴

觀伯時畫馬

東坡集有和篇題云試院中作

題伯時畫祥虎

題伯時畫觀魚僧

按舊本題云伯時作清江游魚有老僧映樹身

觀之筆法甚妙予為白玄沙是影圖并題數

語云

題伯時畫頓塵馬

先生在此詩真蹟題作鞭馬今觀詩乃云忽

思馬欲頓風塵則是鞭馬無疑蜀中見有石刻

題伯時畫嚴子陵釣灘

題松下淵明二首

按蜀本詩集前一篇注云皆試院作後一篇載

外集第四卷當是初本今併存之後篇已注改

兼蜀本石刻真蹟題云題李伯時所作松下淵

明而第三第四句亦不同云平生夢管葛把菊

見南山

老杜浣花谿圖并引

按金陵續帖先生有草書此詩多不同如碧雞坊面結茅屋百花潭水濯冠纓作流花溪邊築茅屋百花潭底濯塵纓空蟠作獨語探道作譚道且畏前作但眼前樂易作樂逸同翁作田翁皆去作皆出酒船作江樓無主看作爛漫列解鞍脫作干戈解不用作不願平安報作平安信鋪墻作鋪壁常使作長使千古無作今古無漫載于此元載外集

伯時彭蠡春牧圖

題伯時馬

二篇元載別集

次韻子瞻子由題憩寂圖二首

蜀本詩集注大子由題柳仲遠所藏李伯時畫明憇憩寂圖舊有跋云元祐三年正月二十七日子由題東坡與山谷皆有和章是皆試院後作今附見于此而蜀本石刻真蹟題云子瞻詠李伯時所作憩寂圖其木石子瞻醉墨也

次韻子瞻元夕扈從端門二首

戲和舍弟船場探春

次韻舍弟題牛氏園二首

已二五篇並元載外集

王才元惠梅三種皆絕戲答三首

先生有此詩跋云州南王才元舍人家有百葉黃梅絕妙和部院不復得見聞院之明日才

元遣送數枝蓋是歲大雨雪寒甚故梅亦晚開
耳又一跋云元祐初鎖院禮部阻春雪還家已
三月王才元舍人送黃紅多葉梅數種為作三
詩付王家素素歌之今玉山汪氏有老童三詩
真蹟如城南名士遣春來作佳士百葉緜梅觸
撥人作苦惱人按王立之詩話觸撥字初作故
惱其後改焉今具載于此才元一跋立之才元
之子字直方

急雪寄王立之問梅花

又寄王立之

已集二篇元載外集

王立之承奉詩報梅花已落盡次韻戲答乞姚花

二首

寄杜家二首

王才元舍人許牡丹求詩

謝王舍人剪送狀元紅

王立之以小詩送並帶牡丹戲答

從王都尉覓千葉梅云已落盡戲作朝吹笛待兒

此詩有催盡落梅春已半之句蓋是出試院所

作

次韻李士雄子飛獨遊西園折牡丹憶弟子奇二
首

按舊本共三首前二首云花開西寺十里雪管
領須傾三百盃已撥春醅開如蟻望君及得禁

煙回東陽瘦盡吟詩骨冷落花前飲鳳團魏紫
姚黃滿京洛大名城裏看山丹而此本第一首
却題作再和子飛寄子奇

此二篇元載外集

次韻答曹子方雜言

按蜀本詩集注云曹輔字子方東坡有送曹輔
赴閩漕詩在好頭赤詩後按實錄三年九月太
僕寺丞曹輔權發遣福建路轉運判官山谷此
詩蓋輔未出使以前所作今附于此

和曹子方雜言

謝曹子方二物二首

戲答陳季常寄黃州山中連理松枝二首

按蜀本詩集注云山谷有太平興國寺浴室院
題云故人陳季常林下士也寓棊簾此下瞻
范子切數來從之元祐三年六月下亥書然此
詩未必是時所作姑以物色附見

次韻子瞻送李廌

李廌字方叔是歲下第歸東坡此詩在次韻黃
魯直畫馬後

次韻宋楙宗三月十四日到西池都人盛觀翰林
公出遨

翰林公謂東坡東坡有和宋肇遊西池即此韻
在訪李方叔詩後

韓獻肅公晚詞三首

韓絳字子華事神宗再為宰相按實錄元祐三年三月薨謚獻肅東坡有韓康公挽詞在游西池後康公即獻肅

次韻子瞻寄眉山王宣義

東坡有慶源宣義王文求紅帶詩即此韻其序云請黃魯直學士泰少游賢良各為賦一首為老人光華先生有此詩真蹟藁本云

參軍但有四立壁初無臨江千本奴白頭不是折腰物桐帽棕鞵稱老夫滄江鷺鷥野性陰整虎豹椎牙須鷓鴣作裘初服在猩血染帶鄰翁無昨來社鷓勤歸去更得把酒聽

授壺言今人才不使天上二老須人扶兒無飽飯尚勤書婦無複禪且看襦社甕可漉溪可漁更問黃雞肥與癯林間醉着人伐木猶夢宮下聞追呼萬釘圍腰莫愛渠富貴安能潤黃壚

送高士敦赴成都鈐轄二首

按前篇注有云此後有送高士敦鈐轄詩並見外集今附于此

聽宋宗儒摘阮歌

自門下後省歸臥酺池寺觀盧鴻草堂圖

樂城集有此圖詩當同時作按樂城集次於韓康公挽詞後

子瞻寺壁作小山枯木
題子瞻寺壁小山枯木

寺壁即圃池寺

題子瞻枯木

次韻子瞻詠好頭赤圖

東坡集此詩在紅帶詩後

次韻子瞻書黃庭經付蹇道士

子瞻題秋引進雪林石屏要同竹

次韻子瞻送穆父二絕

和子瞻內翰題公舅中丞山房

題子瞻書後六言

先生有詩貞題云題

戲贈高述六言

已上小篇並示載外集

玉聖美玉子補中廣文生

聖美名子詔此篇蜀本載之二年合移附是歲

山谷先生詩集卷之二十三

山谷先生年譜卷之二十四

元祐三年戊辰

蘇李畫枯木道士賦

先生有跋自書枯木道士賦後云比來子由作御風詞以王事過列子祠下作猶未見本問子瞻文作何體子瞻云非詩非騷直是屬韻莊周一篇耳晁無咎作求志一章子瞻以為幽通當北面也此二文他日當奉寄閑居當熟讀左傳國語楚詞莊周韓非欲下筆略體古人致意曲折處久久乃能自鑄俾詞雖屈宋亦不能超此步驟也

東坡居士墨戲賦

白山茶賦

已上三篇並元載文集

劉明仲墨竹賦

此篇元載外集

題子瞻墨竹

題東坡竹石

此二篇並元載別集

詠伯時虎脊天馬圖

詠伯時象龍圖

題竹一牧牛

按蜀詩集注云三詩並附前篇而天馬圖有歲在執徐同之句蓋戊辰歲也

題伯時天育驛騎圖二首

觀劉永年圖練畫角鷹

題王晉卿平遠

題燕邱洋川公養浩堂畫

此二篇並元載別集

戲題大年防禦蘆鴈

此篇元載外集

題大年小景

此篇元載別集

避暑李氏園二首

李大夫招飲

已上三篇並元載外集

大暑水閣聽王晉卿家昭華吹笛

次韻子瞻和王子立風雨敗書屋有感

子立名適東坡此詩在送曹輔詩後

嘲小德

東坡有和章次前篇

戲答王定國題門兩絕句

東坡嘲小德詩後有和王定國會飲清虛堂詩

時定國歸自揚州

呈外舅孫莘老二首

按蜀本詩集注云詩意喜莘老得歸按寶錄元

祐三年九月御史中丞孫覺提舉醴泉觀本傳

公以疾堅請外提舉舒州靈仙觀此詩九月以

後所作今附于此

寄老菴賦

先生有此賦真蹟跋云劉貢父作菴記菴在歷

陽温湯之僧舍莘老來索此文雖莫詳年月因

前詩請外故附此

以天壇靈壽杖送莘老

次韻胡彥明同年羈旅京師寄李子飛三章一章

道其困窮二章勸之歸三章言我亦欲歸耳胡

李相甥也故有擯擲之句

與胡彥明處道欲融師竹軒

謝送宣城筆

按成都續帖中有先生手寫此詩題云謝陳正

山谷集卷之二十四
宇送宣城諸葛筆跋云李公擇在宣城令諸葛
生作雞距法題云草玄筆寄孫莘老

王彥祖惠其祖黃州制草書其後

送徐景道尉武寧二首

杜似吟院兩首

奉送劉君昆仲

已上十一篇並示載外集

清人怨戲效徐庾慢體三首

山谷先生年譜卷之二十四

元祐二年戊辰

戲荅俞清老道人寒夜三首

按蜀本詩集注云趙彥清家有山谷跋此詩其
末云東坡屢哦此詩以為妙也元祐四年歸自
門下省書於醴池寺南退聽堂上此跋四年所
書而詩則三年冬所作蓋四年之冬東坡在杭
州也

祕書省冬夜宿直寄懷李德素

歲寒知松柏二首

按蜀本詩集前一二注云東坡所和乃知字韻
在嘲小德詩後後篇在外集第六卷今附此

東觀讀未見書

被褐懷珠玉

款塞來亨

按蜀本詩集注云三篇未必同時所作然皆效
進士體以教兒姪今附見東坡雜記云元祐三
年十二月二十八日上御延和殿奏范鎮新樂
時西夏方遣使款延州塞故進士作延和殿奏
新樂賦款塞來亨詩云

效進士作觀成都石經詩

送曹三方福建路運判兼簡運使張仲謀

詩中有山驛官梅破小寒之句以時序附此詳
見前篇注

戲贈曹三

詩中有山驛官梅破小寒之句以時序附此詳

何氏悅亭記

已上四篇並元載外集

憶邢惇夫

按蜀本詩集注云山谷政惇夫集有國馬不及
奉與惇夫息櫪之語蓋元祐三年十一月庚戌
也此詩附見于此

次以秦首為通道贈答詩

詩中有然風雪塞房之句當是此年冬所作蓋
早從東坡在杭州矣

次以秦首為通道贈答詩

疏之句亦冬時所作

雜二首

同陳無已和蒼秦少章

伯父祖善

伯父祖善言不新學於紫陽溪後小馬鞍山

為故隱齋遠寄詩句意欲庭堅和之幸師友同

賦率爾上呈

序中有師友同賦之語當是求東坡諸公和

章明年東坡已在杭故附于此

已上三篇並元載外集

當昔嘗聞諸先人此詩蓋和曾伯祖祖善

韻曾伯祖詩非序云老伯行年七十有六

京時兄弟名滿四海墓木已拱合令老夫

老更狂耳近築亭於馬鞍山松聲泉溜足

以忘年曾直九姪為我乞詩朝中諸公要

驚山祇突兀出聽直木皆先代輪囷却歲

寒時露病者粟倒着掛時冠人樂觀魚尾

山齋跨馬鞍朝中乞佳句留與子孫看是

時先生所求朝士和篇甚多今張文潛集

中有和篇末句云平生未識面試作阿咸

看即和此詩韻耳

元祐四年己巳

先生是歲在秘書省兼史局

按蜀本詩集注云山谷在京師多與東坡唱和

四年夏東坡出知杭州遂無詩伴而山谷常苦
眩冒多在吏局又多待母夫人醫藥任氏注云
示新四山谷有與王長源詩跋云相見於京師忽忽不
得盡平生朋友之意長源告行會小人年來頭
眩不能苦思因以廢詩輒以舊詩十許贈長源
又有書老杜詩跋云老夫今年四十五不復能
作詩它文亦頗下筆欲學詩老杜足矣又與俞
清老曹荀龍書皆云庭堅自去年二月已不作
詩山谷是歲四十有五又嘗有詩云日曆如山
不到詩今以山谷答黎晦言詩跋之書云自元
祐中以病瘥不能苦思遂廢詩又與深道言
書云自元祐以來

可則其不作詩恐不特因無詩伴耳

七月除集賢校理

按實錄七月甲午以修實錄院檢討官朝奉郎
行祕書省著作佐郎黃庭堅為集賢校理

九月遇明堂大禮以任子恩澤奏補姪樸

先生有乞奏補狀載別集

頤軒詩六首

按家藏此詩真蹟序云元祐四年正月癸酉又
有與君素手書云頤軒詩久草成以真不工久
未寫去今曼遣不知可意否後題二十一日

寺齋睡起二首

後詩云桃李無言一再風蓋春時作又有人言

九事入為律儻有江船吾欲東之句今錄章文集前篇載第五卷後篇載第九卷今從任次

記夢

同元明過洪福寺戲題

按舊本并蜀本有序云三月中同呂元明畢公
至洪福寺見元明壁間舊題云與言之辭後
受騎聲木槭花以為笑戲題云

出城送客過故人東平侯趙景珍墓

此墓在石刻真蹟題云春游偶到東平侯

墓下以時序附見此篇元載別

王世少監詠姚花用其韻

此詩在卷五之三

前後二首跋云元祐四年春入竇高州園

園中開然花之晚開者皆妙絕羣木陰中姚黃
數本初開不數日當零落草根因折取二本獨

賞於門下後省其一歸李公擇其一歸王仲至
仲至作四詠因同韻作仲至詩規模甚遠不與

當時同律故罕知音云六年五月乙丑同忠王
宗王乞飯乞浴於淨照道人所愛此紙宜筆墨

書此以消飯今移附于此

戲答晁適道乞消梅二首

以梅餽晁深道戲贈二首

以時序為次

次韻子實題少章寄寂齋

山谷集卷之五
子實名端因後有送少章詩附見于此
此篇後亦刪去

次韻孫子實寄少游

戲書秦少游壁

贈秦少儀 少儀名覲

送少章從翰林蘇公餘杭

按蜀本詩集注云按實錄東坡出知杭州在四年
年而行以五月陳無已至南京見東坡從登後
樓詩五月池無水又送行詩云一雨三月涼四
詩略從舊次

題淨因寺壁二首

六月十七日書

北窗

趙子充示竹夫人詩蓋涼寢竹器憇臂休膝似非
夫人之職子為名曰青奴并以小詩取之二首
先生有此詩真蹟後一首題云從趙端承議
乞竹奴俗所謂竹夫人者

題李十八知常軒

次韻奉答吉鄰棧宜

題劉氏所藏展子虔感應觀音二首

三上四篇並元載外集

范蜀公罷詞二首

按蜀本詩集注云東坡作蜀公誌銘云元祐二
年閏十一月 蜀本以四年八月此詩蓋四年夏

秋間所作

宗室公壽挽詞二首

按呂氏童蒙訓云天淵後年夏實是禁列侯後
改云屬奉左官集不通宗二條

黃頴州挽詞二首

頴州名好謙字幾道其子即師是為河北漕時
先生作李官與之通晉好謙居陳州故有衣冠
死立道之句此詩當是前作今從任決

樂壽縣君呂氏挽詞二首

李濠州挽詞二首

世二篇元載本

山谷集卷之六

山谷集卷之六

元祐五年庚子

先生是歲在秘書省兼史局

寄忠玉提刑

按實錄元祐五年六月己未右宣德郎馬城提
點淮南西路刑獄又八月戊戌新淮南西路提
點刑獄馬城為兩浙路提點刑獄雖蜀本於四
年注稱先生已不作詩只得附于是歲先生有
真蹟藁本題云贈送忠玉提刑朝奉市骨斲千
里量珠買娉婷駘駘逸駕西子泣深屏吾人
材高秀骨次別渭涇嚴能喜劇部持節按祥刑
崔蒲稍衰息郡縣或空園讀書頭欲白見士

終青今時芥斤地虛次待發硯早晚太微禁占
未有使星

此篇元載外集

元祐六年辛未

先生是歲在祕書省兼史局

三月詔為起居舍人以韓川有言行著作佐郎

按國史三月癸酉詔鄧温伯趙彦若范祖禹曾
肇林希各遷一官六卿為龍圖閣直學士黃庭
堅為起居舍人並以神宗實錄書成賞勞也中
書舍人韓川有言詔黃庭堅行著作佐郎又按
國史初呂大防欲用庭堅太皇太后曰恐再變

六月特封母壽光縣太君為安康郡太君以先生

陳乞以書成轉官恩回授

先生有辭免轉官及乞回授此書別集

六月十八日丁母安康郡太君憂

先生叔父給事有與郭明叔提舉書云家世
祐六月間李氏嫂傾逝此懷苦楚何以堪任諸
姪已扶護歸分寧幸蒙朝廷恩賜優厚感戴
已蓋嘗蒙朝廷賻恤耳

元祐七年壬申

先生是歲正月八日護母安康郡太君喪抵家

五月叔父給事歿于京師

叔父即夷仲五月丙申歿于官先生有與洪

山谷年譜二十六
書云老舅方此荼毒百骸殄瘁又聞給事叔父
之訃一慟欲絕奈何

元祐八年癸酉

先生是歲居喪六月外除

二月戊申葬母氏安康太君祔于臺平祖域之以康
州使君之兆

七月除編修官

按國史七月壬寅呂大防言神宗皇帝正史限
一年了畢契勘昨修兩朝正史係差史官五百
今來止有三員切慮浮難就緒欲差前實錄院

檢討官黃庭堅正字奉勅編修官從之

九月暇除具奏

先生年譜
編修官別集

癸酉八月同百二
公長老
題禪師遺像作小詩呈九僊

此篇元載別集

宿靈湯文室

詩中有月明漸映簷東出置杭東床夜蕭瑟之
句恐是同時作

此篇元載外集

叔父給事挽詞十首

按樞密直學士劉奉世撰給事墓誌銘以元祐
八年九月丁酉葬于雙井之原又先生有與字
文伯修書云九月之末方畢叔父給事葬事又

山谷年譜卷之六
三
云欲乞一官觀時已免喪矣
江西道院賦

序云元祐八年秋九月

次韻章禹直開元寺觀畫壁無簡李德玄

禹直名嗣功嘗以上書言新法羈官洪州

次韻道輔雙嶺見寄三疊

次韻章禹直魏道輔贈荅之詩

和荅魏道輔寄懷十首

道輔名泰襄陽人曾子宣夫人之弟字克軒筆

錄碧霞腴漢南隱書自號漢南處公道輔嘗留

豫章此詩有今來冬日不無句此句在還鄉之

時

意

詩中有添得思堂一卷書之句

次韻道輔旅懷見寄

先生有與章禹直手簡云兩日不會曷勝馳情

昨與德素天倪會語縣庭殊思與公同之又云

與道輔唱酬詩皆和得淨本已送道輔昨已宿

雙嶺想未見本少閒得空別錄呈也今日不出

能見過否故禹直道輔諸詩悉附于此

已上十五篇並元載外集

紹聖元年甲戌

先生是歲居鄉待辭免之命

除知宣州又除知鄂州

山谷年譜二十六
先生有汝東坡磨衲贊云紹聖元年五月甲子
新宣城假守黃庭堅書又先生有與李獻父知
府書云伏奉手誨勤篤并煩遣騎馳送宣城勅
感佩至意又有與運使中書書云伏蒙賜書存
問曲折感慰無量失宣城得武昌消息盈虛誠
如尊諭按國史閏四月甲申以禮部侍郎孔武
仲為寶文閣待制知宣州從所請也其新差權
發遣宣州黃庭堅別與差遣

三月丁亥宿王子居息菴

先生有草書跋尾云元祐元年三月丁亥宿王
子居息菴為表弟舜功作草按國史改元在
四月癸丑降御札云其因盛夏之辰載新元統

之跡

五月到城下

先生與李獻父書有云庭堅但須分寧卸鹽船
空即解維後月初必獲參展許借兩舟至海昏
盛暑使賤累少得清涼實受賜也書後題二十
一日而書中有竊審府庭無留事內外得職履
夏具宜之語發書當在四月間又有題唐本蘭
亭後云紹聖元年六月辛未上藍院南軒同程
正輔觀正輔名德孺蜀人

六月離城下八月到彭澤

先生有彭澤縣題名云紹聖元年六月八日來
謁石興宗李幾道在焉爭勝至此休於橘陰者

久之伯氏元明舍弟天民將姪樸桓自微徑來
江西黃庭堅魯直記又有彭澤讀書巖題字云
耐石興宗諸子讀書巖中號橘林三少故予為
立巖名興宗名祿三少謂悉憑悠

七月奉祠因舟行向淮南

按國史紹聖元年六月丁亥新知鄂州黃庭堅
管句亳州明道宮於開封府界居住報國史院
取會文字又先生有與運使中舍書云十三日
又勒管句亳州明道宮并得堂劄已除范祖禹
與舉山道官奉聖旨各於開封府界居住報應司

院奉旨各於開封府界居住報應司
院奉旨各於開封府界居住報應司

史蔡卞林希言先帝日曆自熙寧二年正月以
後至三年終係元祐中祕書省官孔武仲黃庭
堅司馬康修纂自熙寧四年以後至七年終係
范祖禹修纂而黃庭堅司馬康范祖禹又皆係
修先帝實錄官其間所書相為表裏用意增損
多失事實緣修國史院已得旨重修所有昨來
范祖禹所進日曆伏乞一就着詳改正務盡事
實使後世考觀無所疑惑從之

九月復過池州

先生有池州齊山焦筆巖題名云江西黃大臨
弟庭堅叔獻叔達子樸相祝孫杰紹聖元年九
月辛丑泛舟同來

十月離分寧

先生有與天民知命初八日書云今日至武寧見諸官畢即行又有十七日書云道中遇情暖行李甚得勝七哥清快筆味亦不乏吾上路來充輕安三十三切勿過憂亦聞重...稍慢或歲切便得歸也漫寄少梨棗去作冬節後蜀本詩集在云山谷初寓太平州之燕...元明俱來陳...其與六天...州司理相送至...其與趙伯充書...行時與東坡相思...云紹聖之元...

與黃此初過於貴池其後...谷在荊州黃...書云貴池相別於今八年...以先生前後書尺真蹟石刻及彭澤池陽題名等一一參攷以月...是歲先生自分寧赴宣城舟行由海昏過城下赴官道間得詞其與東坡相遇持按國史是歲四月東坡落職知英州按東坡年譜有乞舟行...州狀云帶家屬數人前去汴泗之間乘舟泛江倍道而行至南康軍出陸赴任又東坡有與先生作銅爵臺研銘親筆刻研上乃紹聖元年七月十三日東坡居士書則是相遇之時當在六七月間先生九月復過池州與蕪湖相

距才一二程耳攷之家書則又十月離分寧與
元明同行書中之語有云或歲初便得歸意是
挈家略歸即為陳留之役時元明得官越州撲
得官杭州其後復挈家寓蕪湖以侯分骨肉相
養也蓋王瀘州書中止言兄弟同庖蓋四十口
得罪南來勢不可扶將皆寓太平州之蕪湖是
書乃已謫居黔中在紹聖二年則是骨肉復寓
蕪湖於它書亦可互見耳天民名叔獻先生之
弟

十一月至陳留供報文字

按國史黃慶基言神宗實錄隱沒先朝良法美
意輒以微言含寓諷刺數十事修編今府界供
答文字亦不見施行乞早誅責

十二月尚在陳留俟命

先生有與公蘊知縣書云被旨至陳留略已六
十日又有書壽禪師垂戒碑贈未時發乃十二
月丙申陳留淨土院深明閣書按國史十二月
丙申三省同進呈壹諫官前後章疏言實錄院
所修先帝實錄類多附會妄言詆熙寧以來政
事乞重行竄黜及國史院取會到編修官范祖
禹趙彥若黃庭堅所撰文狀各稱別無按據得
之傳聞事上曰文字已盡見史官敢如此誕慢
不恭章惇曰不惟多稱得於傳聞雖有臣僚之
家取到文字亦不可信但其言以傳聞修定欺

誕敢爾安燾曰自古史官未有如此者亦朝廷
不幸又曰常日進呈文字多先議定上早來章
惇言合取自聖斷即未經聚議輕重惇曰合取
自聖意裁度上曰庭堅供荅尤不遜莫量分等
第章惇等曰三人事體不甚相透恐不須分上
曰須各與安置惇等曰據罪當如此又奏臣寮
入劄子言國史院簽貼實錄詆誣編落事元祐
大臣乃欲塵玷先朝政事援引司馬光蘇軾兄
弟門下之人皆平昔不得志者其於事跡往往
刪除漏落或緣飾詆誣意欲掩覆先帝之光烈
為臣不忠莫大焉欲乞根究詣實應提舉史院
弓大防修史官趙鼎若范祖禹等重行詰責以
示萬世大公至正之法詔祖禹責授武安軍節
度副使永州安置彦若責授安遠軍節度副使
澧州安置庭堅責授涪州別駕黔州安置

次韻元日

詩中有四十九年遠伯玉之句意是今春首作
此篇元載外集

贈石敏若

敏若名恣興宗之子此詩蜀本載之崇寧元年
合在是歲詳見前注

題大雲倉達觀臺二首

按先生有手書石刻跋云永利禪寺東偏遵微
徑攀古松登高丘四達而平所瞻皆數百里間

其地主曰戴器之因名曰達觀臺而屬器之築
屋於其上器之忻然曰敢不諾因為作二詩喻
旬臺成器之置酒命歌舞者二三時與鎮官蘇
臺范光祖同賞焉余既去越三年聞器之以疾
不起但增感歎爾山徑荒蕪好事者遠聞而采
或不得一登而去問其致曰更數尉以為臺上
窺見其室家故鍵閉而藏其鑰余笑曰人家不
過有五七婦女亦富在室屋中作女工事豈常
鋤耘於後圃耶州西醵池寺僧伽浮屠高三百
六十尺下見親賢宅旁見禁中游人以時登未
聞官典其鑰也岳陽樓下瞰郡官教家游者無
虛日特未之忍耶余游漢水梓潼元
智遠長老莊嚴此院甚有意思而詩以經元符
間搃擊不存臺上石刻聞尉公密令斲生碎之
復來求本故書遺之并紀敘鍵閉游人之意冀
即識者能思之耳崇寧元年五月朔黃庭堅書
即此跋推之合在是歲

此篇元載外集

寂住閣

深明閣

按蜀本詩集注云二篇陳留淨上院作元注云
陳留宿一殯堂因書為寂住閣

雜詩

詩中有誰知佛印祖師禪之句當是今夏與佛

甲相遇時作

此篇元載別集

紹聖二年乙亥

先生是歲拜黔州謫命

按國史先生本傳章惇蔡卞與羣姦論實錄詆
 誣俾前史官分居畿邑以待摘千餘條示之謂
 為無驗惇卞遂更考閱志有据依所餘才三
 十二事錄之惇卞遂更考閱志有据依所餘才三
 是時周鼎歸曰庭堅時以此親見之其兄
 耳凡有問皆直辭以對
 命即行其與公
 遠竄黔中罪大恩
 行又按國史紹聖二年春正月黃復言朝廷以
 趙彥若等修纂先帝實錄厚加誣毀皆已竄逐
 惟監修官呂大防獨得幸免今訊治大防親有
 撰述筆迹甚明若不例謫何以示公程思言呂
 大防始以典領史特遷兩官合行追奪劉拯言
 范祖禹趙彥若黃庭堅擅敢增損誣毀先帝為
 臣不忠罪不可赦詔呂大防特追奪兩官趙彥
 若范祖禹陸佃曾肇林希並追奪一官除林希
 在職日淺外曾肇與小郡陸佃候服闋與小郡
 庭堅特追一官當用過回授恩澤

先生赴貶所伯氏元明同行

按書洋鄉縣廳壁云初元明自陳留出尉氏許

昌渡漢沔略江陵上夔峽過一百八盤涉四十八渡送余安置于摩圍山之下

三月辛亥次下牢關壬子之夕宿黃牛峽癸丑夕宿鹿角灘下

具黔南道中行記

四月二十三日到黔州

具到黔州謝表

寓居開元寺

先生有與張和叔書云下處在南寺摩圍閣及有四月二十六日與大王簿三十三書云安下處是南寺一位有水閣山亭極蕭灑云黔州摩圍閣發又批云蜀人呼天為開山

後嫁舒城李文伯

竹枝詞二首并跋

予既作竹枝詞夜宿歌羅驛夢李白相見於山間曰予往謫夜郎於此聞杜鵑作竹枝詞三疊世傳之不予細憶集中無有請三誦乃得之

前詩有跋語云紹聖二年四月甲申蓋十九日與此詩皆道中作

元明題歌羅驛竹枝詞

此篇元載外集

竹枝詞二首

山谷年譜卷之十一
詩中皆有夔州竹枝語

此篇元載別集

和答元明黔南贈別

先生書萍鄉縣廳壁云元明送余安置于摩圍山之下淹留數月不忍別士大夫共慰勉之乃肯行掩淚握手為萬里無相見期之別詩中有急雪鵲鴿相並影驚風鴻鴈不成行之句蓋冬時所作然元明却是六月十二日離黔州具先生所與天民知命書此詩蓋追和耳

紹聖三年丙子

先生是歲在黔州

按蜀本詩集注云初山谷既未能以家來二年

之秋其弟知命自蕪湖登舟山谷與秦少章書云叔達附蘇伯固船自蕪湖登舟攜一妾一子妾所謂李慶具知命家書今趙彥清家有錄本子名祖小字韓十蓋仲子也具家書及與秦少章宋子茂書及山谷之子相小名小德小字四十并其所生母俱來知命中道生一女又與其從兄嗣直會於夔州是歲五月六日抵黔南又任氏注云山谷書云知命居士得三月二十八日書知慶兒已免娠入夔州已回客次俱無恙嗣直又適得相會何慰知之嗣直名叔向給事之子山谷五月書云初五日宿大浩初六日可來趨疊石早飯又云今日甚思汝輩同剥粽子

也

題瘦驢嶺馬鋪知命

行次巫山宋楙宗遣騎送折花厨醞知命

次韻楙宗送別二首知命

戲荅劉文學知命

外姪李光祖往見尚垂髫今觀寄嗣直小詩已可

愛因次韻書其後知命

上南陵坡知命

題小猿叫驛知命

馬上口號呈建始李令知命

建始屬施州

次浮塘驛見張施州詩次其韻知命

將次施州先寄張十九使君三首知命

和仲謀送別二首知命

次韻荅清江主簿趙彥成知命

宋楙宗寄夔州五十詩三首知命

右知命二十詩元附先生集中今從舊次

題蘇若蘭回文錦詩圖

元雜置知命詩中

紹聖四年丁丑

先生是歲在黔州

按蜀本詩集注云其春知命住見嗣直於涪州

生一于是為小牛秋冬間還黔具山谷與知命

嗣直書今以先生與七兄司理書攷之有云知

命挈攜在涪陵十月乃歸又云庭堅處摩圍之下安固寂靜無時不堪然願勿以遞中書泮濫動念也蓋正月初三日書又四月書陰真君詩贈王瀘州之季子跋云紹聖四年丙午黔中禪月樓中書而六月嘗為三聖涂作忠州復古記十一月為劉退夫臨為蘭亭跋云紹聖四年十一月乙卯摩圍閣中書

揚明叔惠詩格律詞意皆薰沐去其舊習子為之喜而不寐石刻有然字文章者道之器也言者行之枝

葉也故次韻作四詩報之耕禮義之田而深其來石刻作明叔言行有法物當官又敏於事而郵本字民故子期之以石刻作以故遠者大者

按蜀本石刻真蹟止寫前兩篇題作故次韻作

二頌以為報而篇三篇却別題云荐辱明叔佳

句又作一頌奉報老人作頌不復似詩如蜂采

花但取其味可也

庭堅老嬾衰石刻作老多年不作詩已忘其體

律因明叔有意於斯文試舉一綱而張萬目蓋以

俗為雅以故為新百戰百勝如孫吳石刻作孫吳之

兵棘端可以破石刻作當鏃如甘蠅飛衛之射此詩人

之奇也明叔當自得之公眉人鄉先生之妙語震

耀石刻作驚一世我昔從公石刻作蓋得之多故今以

此事相付

按蜀本石刻真蹟添前篇第四首却題云再和

二頌并序

明叔惠示二頌云見七佛偈似有警覺乃是見道之端發於此故以二頌為報

按蜀本石刻真蹟有此二篇而集中遺逸故載于此蜀本詩集注云楊皓字明叔眉之丹稜人官於黔中時在山谷遷謫後明叔書帖可攷此詩蓋黔中所作故有我已魑魅之句黔中詩絕少姑附是歲

謫居黔南五首

按蜀本詩集注云右摘樂天句元題云謫居黔南今附于此蓋明年又遷於戎州云今蜀本有十首元注摘樂天句近世曾慥端伯作詩選載

潘邠老事云山谷十絕詩盡用樂天大篇裁為絕句蓋樂天長於敷衍而山谷巧於翦裁端伯所載如此必有依據然敷衍裁翦之說非是蓋山谷謫居黔南時取樂天江州忠州等詩偶有會於心者摘其數語寫置齋閣或嘗為人書世因傳以為山谷自作然亦非有意於樂天較工拙也詩中改易數字可為作詩之法而揚氏增注云後五篇當是責宜州時作冷齋夜話以老色日上面及輕紗一幅巾二篇為責宜州時則三篇可見也今以後五篇附其一云老色日上面歡悰日去心今既不如昔後當不如今其二云嘖嘖雀引雛稍稍笋成竹時物感人情憶我

故鄉曲其三云苦雨初入梅瘴雲稍含毒泥種
水畦稻灰種畝田粟哀四云輕紗一幅巾小簟
六尺牀無客盡日靜有風終夜涼其五云病人
多夢醫囚人多夢赦如可齊來夢合眼在鄉社

王聖涂二亭歌

以是年為王聖涂作志州復古記故附此

送昌上座歸成慶

昌上座歸成慶

山谷先生年譜

山谷先生年譜卷之二十七

元符元年戊寅

先生是歲在黔州是春以避外兄張向之嫌遷戎州

按國史紹聖四年三月知宗正丞張向提舉夔

州路常平十二月壬寅詔涪州別駕黔州安置

黃庭堅移戎州安置以避使者親嫌故也又按

國史先生本傳云貶涪州別駕黔州安置言者

猶以處善地為屈法會避親遂移戎州又先生

作南園遁翁墓銘云庭堅以罪放黔中三年又

避親嫌遷置于戎州戎州今為敘

三月先生離黔州

按任氏注云山谷有與楊明叔大丁跋尾云紹

聖五年三月哉生明涪翁時遷于焚道治舟開
元寺江西之間焚道即戎

三月中到涪陵

先生有答黎晦叔暹書云承寄惠長韻詩去年
三月中到涪陵乃得之又四月乙未為涪陵蘭
大節作朋樂堂記與揚明州跋皆尚稱五年蓋
改元在六月耳又先生有與韋子駿提刑主客
三月二十三日書云庭堅居黔中衣食之須粗
給既又放徒一動百動所以少淹留此月半乃
得至涪陵又當為家弟少留云云又四月書云
區區西書多病所至就醫藥又為涪陵家弟
少留是以行李稽遲

五月戊午上荔枝

見先生書韓退之符讀書城南云紹聖五年五
月戊午上荔枝雖極熱云云

六月至戎州寓居南寺作槁木菴死灰寮後僦居 城南名任運堂

先生有與王觀復書云汴流在道三月又有
州水龍巖題名云紹聖五年五月晦而所作章
明揚墓碣云元符之元夏六月明揚之子如堦
以書走戎州云云則是六月到戎州無疑又九
月八日答李長倩書云今寓居南寺乃當闌闔
中屋室差勝開元舊居但無復摩圍江山之勝
槁木菴見書遺道臻墨竹後與武老題云元符

三年三月戎州無等院涪翁借地所築橋木菴
中書任運堂見書劉禹錫浪淘沙九首跋云元
符二年四月甲戌戎州城南僦舍任運堂中書
其任運堂有銘云或見僦居之小堂名任運恐
好事者多以藉口余曰騰騰和尚歌云今日任
運騰騰明日騰騰任運蓋取諸此余已身如槁
木心如死灰但不除鬢髮一無能老比丘尚不
可耶

重九日遊無等院

志有題名云元符始元
入唐復舉了黎相張溥子
登永安門消息
義居泰宗善

觀此泉
之不能去
授涪州別駕戎州安置黃庭堅

學直書

送曹黔南口號

亦有致語載別集

與黔倅張茂宗

按蜀本詩集注云山谷初到黔南曾譜伯達張
熈茂宗為守貳待之頗厚山谷與張叔和書云
庭堅至黔南將一月矣曹守張倅相待如骨肉
又與楊明叔書云守倅皆京洛人好事尚文不
易得也今先生有與太主簿三十三書亦元太
守曹供備譜濟陽之姪通判張熈張景儉孫公

休之妻弟皆賢雅相顧如骨肉前篇載外集後
篇載別集因賈使君詩以先後之次附見

贈黔南賈使君

按蜀本詩集注云賈使君蓋與曹伯達為代者
未知此詩何時所作姑附于離黔之歲又別本
注云信臣家世有北園在崆峒山下氣象雄壯
花木茂密信臣賈使君字也

放目亭賦并序

序云黔江居士為之賦故附于黔江之末

元符二年巳卯

先生是歲在戎州

先生通和宋之玉慶源江

年撰此詩於戎州城南詩人所謂吾猶昔人非

昔人也元祐二年黃魯直元符二年涪翁題又

自書簡公畫像贊後云元符二年壬戌棘道城

南僦舍中書劉禹錫浪淘沙竹枝歌揚柳詞跋

元符二年四月甲戌戎州城南僦舍任運堂中

書按蜀本詩集注云九月知命如成都至明年

二月還戎具山谷與知命書及谷勾宗高書又

與範長老書云知命顛倒屣足二月七日乃到

戎州今又以先生與李廣心主簿書攷之有云

知命到家不能三月復以舟載李慶韓十上成

都矣又有與弟姪書云知命將李慶韓十涪婢

粧奴往成都此但留牛郎并其乳母於此又云

去已兩月未有歸音

次韻兩絲雲鶴二首

按蜀本詩集注云蜀中舊本此詩序云代史夫
人和石信道按信道名諒時作瀘州江安令史
夫人蓋山谷外兄張祺子履之妻張社介卿之
嫂絲菜贊所謂維女博士史君炎玉者也此詩
蓋在戎州所作山谷有荅蘇大通書曰頃見外
元張子履家嫂具道才德之美又曰昨史嫂過
樊道云云此詩當是夫人與其子俱來乞子履
墓銘時也兩絲雲鶴皆春時景物宜見於今年
春山谷作子履墓銘葬以元符己卯之四月又

且史夫人

此詩

按蜀本詩集注云當是今年夏初所作元年

初亦至此也此篇示在戎州詩口但次不倫

山谷苦節賦云樊道苦節不元兩川

次韻沈老所畫橫竹

次韻謝斌老送墨竹十二首

用前韻謝子舟為予作風雨竹

再用前韻詠子舟所作竹

戲詠子舟畫兩竹兩鸚鵡

詠子舟小山叢竹

此篇元載別集

次韻黃斌老晚游池亭二首

按蜀本詩集注云與黃斌老唱和諸詩並因苦
筍篇附見當是同時所作池亭詩句黃為霜
殊未秋之句必今歲所作明年秋始過之在
言斌矣

次韻答斌老病起獨游東園一首

又和二首

又答斌老病愈遣悶二首

次韻斌老冬至書懷示子舟篇末見及之作因以
贈子舟歸

戲題斌老所作兩竹梢

奉次斌老送瘦木碁局八韻

此二篇元稹詩集

煎茶賦

苦筍賦

此三篇皆入蜀作

按蜀本石刻有苦筍賦跋云余生長江南里人
喜食苦筍試取而嘗之氣苦不可於鼻味苦不
可於舌故嘗屏之未始為客一設雅聞簡寂觀
有甜苦筍每過庐山常不值其時無以信其說
及來黔中黔人冬掘苦筍萌於土中才一寸許
味如蜜蔗而春則不食唯捷道食苦筍四十餘
日出上尺餘味猶甘苦相半覺其筍輩守枯淡
少味蓋神農之所漏有莘庖聖所未達者耶故

作此賦以曉蜀人方苦筍時薯蕷和鹽然茅火
中而薦之日食百數至老不可食而後已不嘗
能作病也

戲荅史應之三首

按蜀本詩集注云應之名鑄眉人客瀘戎間山
谷有應之真贊云江安食不足江陽酒有餘江
安屬瀘州漢江陽地也

筇竹

按蜀本詩集題作也足軒注云軒在簡州為師
範道人作山谷有與範帖云知命欲往成都者
樂市又云別作一篇竹軒頌似可觀已付密
去可種竹於六即謂之是歲範公自簡州

成都六祖之請任注云範在簡州時山不有種
竹頌往在江南住竹山道人兩歲三來訪云云
故今云別作一篇

題榮州祖元大師此君軒

按蜀本詩集注云山谷此詩跋元符二年閏月
初吉書贈榮州琴師祖元按是歲閏九月又有
一篇亦此韻見於外集今外集無之有兩篇載
別集者今各隨年月而附

戲用題元上人此君軒詩韻奉荅周彥公起予之
作病眼昏花句不及律書不成字

此篇元載別集

荅李任道謝分豆粥

山谷年譜二十七
詩中有豆粥能祛晚瘴寒之句似是冬時所作
次韻任道雪中同游東臯之作

此篇元載別集

元符三年庚辰

徽廟登極

先生是歲在戎州

先生有書韓愈送孟郊序與張大同政元符三年正月丁酉甥雅州張大同治任將歸來乞書又云時涪翁自黔南遷于楚道三年矣寓舍在城南屠兒材側蓬蒿柱宇黽黽同徑云云三月有供析狀云責授涪州別駕戎州安置黃庭堅準戎州公文準提刑司牒節文勘會正月十三

日登極大赦州縣散官編官人等並仰逐處分析聞奏請詳此勘會責授安置始末事因開坐回示以憑照會依赦文分析開奏者牒檢會昨於紹聖元年十一月內準朝旨開封府陳留縣聽候指揮至紹聖二年正月初八日授誥一道左朝奉郎充集賢校理管句亳州明道宮雲騎尉賜緋魚袋黃庭堅朕以眇末紹承聖緒又懼不能發揚先帝成功盛德曩詔儒學之臣論次大典於以章示至公傳信萬世明明在上其可厚誣爾庭堅擢於諸生使預著作罔念朝廷之屬任專懷朋黨之私恩依憑國書疵詆先烈變亂故實輕徇愛憎奏編累年公罔朕聽逮究

厥實語多無蹤覽之瞿然靡自寧處得罪宗廟
朕何敢容古有常刑宜即誅殛尚茲屈法聊示
竄投服我寬恩無忘自訟可特責授涪州別駕
黔州安置勳賜如故到紹聖五年二月十八日
準尚書刑部符準勅中書省尚書省備到提舉
夔州路常平等事張向狀勘會黔州安置黃庭
堅係向亡母之妹子切慮合該迴避奉聖旨黃
庭堅移戎州安置所有責授安置始末事因開
坐詣實即無漏落謹具狀申戎州謹狀元符三
年三月日責授涪州別駕戎州安置黃庭堅狀
三月知命歸江南
先生與範長老書云知命留此兩月三月十二

五月

真先生辭免吏部員外郎狀又家藏先生與首
微使君手書真蹟云庭堅五月五日被告復宣
義郎添監鄂州鹽稅得不死於貶所又有俸祿
實已滿慰所望但已江漲未能下峽方欲挈舟
一至青神省張氏家姑乃漸治舟而東

五月戊寅賞鎖江荔枝

先生有題名云太守劉廣之率賓僚來賞鎖江
荔枝同來者廖珠致平張宗道原徐確天隱石
諒信道成節復中文闕少延禧慶崇闕南玉
元符三年五月戊寅黃庭堅魯直題柘枝頭荔枝

子一木四柯西南一柯獨肉厚而味甘又六月
丙子作張仲吉綠陰堂記云今蒙恩放還去此
有日矣

已卯追涼於安詔亭

按家藏先生書老杜詩真蹟跋云元符三年五
月已卯楚道尉汲南玉置酒荔枝陰中同盤者
廖致平石信道成履中史慶崇張晦叔楊中玉
黃魯直食罷追涼於安詔亭投壺弈象置涼榻
而臥南玉出天台紙索滑宜書故書

七月泛舟往青神省見張氏姑

按蜀本詩集注云山谷既放還以江漲未能下
峽西見其姑於青神省其姑於青

神山谷之姑張神介卿之母介卿時為眉山青

神尉以七月二十一日解舟八月十一日抵青

神其與介卿書今又以次虎跳題名石刻參攷

之其題云陪翁既作武昌鹽史會江漲不能下

決乃擊舟至青神省姑氏无符三年七月辛卯

次虎跳王頴叔泉起擊酒同之者廖養正

兄弟姪五人楊咸孺祝有道道人慈元孫叔慈

泉起臨江作大樓閣舍西澗泉滅滅會于石渠

常作風雨聲久居城市至此令人忘歸它日松

竹成陰鑿坎種蓮乃盡之又有草李朝八分小

篆歌跋云元符三年七月二十三日余將至青

衣云云

此篇元載別集

廖致平送綠荔枝為戎州第一王公權荔枝綠酒亦為戎州第一

謝楊履道送銀茄四首

以時序為次

送石長卿太學秋補

詩中有漢文新覽天下圖謂

徵考初立山谷有試張通筆帖云戎州城南麓

舍中眉山右長卿觀書

次韻少激甘露降太守居桃葉上

詩語皆及

徵考新政當是秋時所作

青神縣尉廳葺城頭舊屋作

水竹終日寂然了無人迹又當大木綠陰之間

戲作長句奉呈信孺明府介卿少府

按蜀本詩集注云八月在青神尉廳作尉即

張社介卿也社父閭雅州人娶山谷之姑卒

官太常卿見山谷所作張子履墓誌

戲贈家安國

安國眉山字復禮

次韻楊君全送酒長句

次韻君全送赤花

謝楊景山承事送惠酒器

按蜀本詩集注云君全名琳景山名岳皆青神

人山谷有中巖題字云元符三年九月巳巳王
元遠攜酒帥楊君全景山酌張子謙介卿黃魯
直於慈姥入東堂此詩蓋是時所作故有秋入
園林花不眼之句綠花及酒當是重陽所送春
花言其象春時之花耳

應之送春花

按蜀本詩集作史度昇送春花附楊君全送逸
後注有千林搖落照秋空之句

題石恪畫嘗醋翁

題石恪畫機織圖

此篇元載別集

謝應之

按蜀本詩集注云即史應之也往歲見山谷於
戎嘗以詩戲之此篇當是應之自眉來青神再
見山谷敘述往事故有去年席上蛟龍語未委
先生記得無之句山谷在青神有與眉山程信
孺帖應之在館時接從客賓主相樂也是歲來
自眉山可知

走筆謝王朴居士拄杖

按蜀本詩集云王朴字子厚隱居嘉州至樂山
此詩當是自青神回舟經涂所作詩有六年流
落放歸時之語

戲荅王居七送文石

楊明叔從子學問甚有成當路無知音求為瀘州

從事而不能得予蒙恩東歸用蛟龍得雲雨鷓鴣
在秋天作十詩見餞因用其韻以別

按蜀本詩集注云按實錄元符三年十一月癸

亥朔黃庭堅寄州詩有老作同安字之句同

安即舒州也

次韻石七三六言七首

詩云老境五十六翁又云欲行水繞山圍蓋元

符三年將出蜀所作石七三當是石信道家

以皮鞵底贈石推官二首

此篇元載別集已見石刻

